

Broj:01- 02/2-660/24 SK  
Sarajevo, 28.03.2024. godine

**BOSNA I HERCEGOVINA**  
**FEDERACIJA BOSNE I HERCEGOVINE**  
**PARLAMENT FEDERACIJE BIH**  
**PREDSTAVNIČKI DOM PARLAMENTA FBiH**  
n/r gđa. Mirjana Marinković Lepić, predsjedavajuća  
n/r gđa. Alma Kratina, zastupnica

Bosna i hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**  
29-03-2024

Org. jed.	Broj	Priloga	Vrijednost
05h	- 02 -	71	24

**VLADA FEDERACIJE BOSNE I HERCEGOVINE**  
n/r gđa. Edita Kalajdžić, sekretar

**PREDMET:** Inicijativa, dostavlja se-

**Veza:** Akt predsjedavajuće Predstavničkog doma Parlamenta Federacije Bosne i Hercegovine, broj: 05/1-02-71/24 od 27.02.2024. godine i akt sekretara Vlade Federacije Bosne i Hercegovine, broj: 03-04-453/24 od 05.03.2024. godine

Poštovani,

Aktima broj i datum veze, Federalnom ministarstvu rada i socijalne politike dostavljena je Inicijativa koju je podnijela Alma Kratina, zastupnica u Predstavničkom domu Parlamenta Federacije Bosne i Hercegovine, i koja glasi: »*da se izvrši vanredni nadzor i inspekcijska kontrola rada gerontoloških centara i staračkih domova u Federaciji BiH u svijetlu ispunjavanja obaveznih standarda kao preduslova za adekvatnu njegu i zdravstvenu zaštitu za korisnike, i da se nalaz izvršenog nadzora od strane resornih ministarstava i Federalne uprave za inspekcijske poslove dostavi Parlamentu u roku od 60 dana*«. Shodno navedenom, te u skladu sa nadležnostima ovog Ministarstva obavještavamo Vas kako slijedi:

Propis kojim je uređena oblast socijalne zaštite u Federaciji Bosne i Hercegovine je Zakon o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“, br. 36/99, 54/04, 39/06, 14/09, 45/16, 40/18 i 16/23), koji je opšti propis i na osnovu kojeg su doneseni kantonalni propisi kojima se detaljnije uređuje oblast socijalne zaštite u Federaciji Bosne i Hercegovine. Navedeni propis ne tretira pitanje inspekcijskog nadzora, tako da nadležnost Federalne uprave za inspekcijske poslove nije određena ovim propisom.

Članom 9. stav (1) navedenog Zakona propisano je da nadzor nad provođenjem Zakona o osnovama socijalne zaštite, zaštite civilnih žrtava rata i zaštite porodice sa djecom Federacije Bosne i Hercegovine i propisa Federacije donesenih za njihovo provođenje, kao i nad stručnim radom ustanova koje osniva Federacija, vrši Federalno ministarstvo rada i socijalne politike. Članom 9. stav (2) navedenog Zakona propisano je da nadzor nad provođenjem zakona, drugih propisa i općih akata kantona,



donesenih saglasno federalnom Zakonu o osnovama socijalne zaštite, zaštite civilnih žrtava rata i zaštite porodice sa djecom, kao i nad stručnim radom ustanova koje osniva općina, odnosno kanton, vrši kantonalni organ nadležan za oblast socijalne zaštite i zaštite porodice sa djecom.

Članom 49. navedenog Zakona određeno je da se osnivanje i rad ustanova socijalne zaštite iz člana 48. ovog zakona uređuje propisom kantona, dok je stavom (2) istog člana određeno da se osnivanje i rad ustanova od značaja za Federaciju uređuje federalnim propisom.

Zakonom o preuzimanju prava i obaveza osnivača nad ustanovama socijalne zaštite u Federaciji BiH („Službene novine Federacije BiH“ br. 31/08 i 27/08), a potom i Zakonom o ustanovama socijalne zaštite u Federaciji Bosne i Hercegovine, Federacija Bosne i Hercegovine je preuzela prava i obaveze osnivača nad pet ustanova socijalne zaštite u Federaciji BiH, od kojih samo Ustanova za socijalno zbrinjavanje i zdravstvenu njegu - Ljubuški ima djelatnost socijalnog zbrinjavanja, podrške i zdravstvene njege korisnika preko 65. godina starosti.

Sve druge ustanove socijalne zaštite u Federaciji Bosne i Hercegovine za zbrinjavanje starih lica su osnovane na nivou kantona, uključujući i gerontološke centre odnosno domove za stare, a njihovo osnivanje, rad, finansiranje i druga pitanja uređena su propisima kantona. Propisima kantona u oblasti socijalne zaštite uređeno je i pitanje inspeksijskog nadzora u ustanovama osnovanim na nivou kantona.

Također, na nivou Federacije, a shodno Zakonu o inspekcijama Federacije Bosne i Hercegovine ("Službene novine Federacije BiH", br. 73/2014 i 19/2017 - odluka US) ne postoji inspekcija niti inspektorat za oblast socijalne i dječije zaštite.

Obzirom na navedeno mišljenja smo da predmetnu inicijativu treba uputiti resornim ministarstvima kantona.

S poštovanjem,



**Dostavljeno:**

- naslovu
- a/a